

**Betrëfft:** *D'Regierung wëll d'Jugend ëm hier Zukunft beducksen!*

D'adrenalin ass iwwert d'Spuermoossnamen, sou wéi se an der Tripartite vun der Regierung virgeschloe gi sinn, méi wéi erféiert. D'Kris dierf net um Bockel vum klengen Mann a vun der Jugend ausgedroe ginn!

Et kann einfach net richtig sinn, datt grad bei der Zukunft vun der Jugend gespuert gëtt. Et ass net akzeptabel, datt d'Kannergeld nëmmen nach bis 21 Joer ausbezelt soll ginn an d'Allocatioun fir de Schoulufank fir e Groussdeel vun de Schüler ewechfale soll. Bedenkt een och nach, datt den Här Di Bartolomeo d'Studiejoere fir d'Pensioun an Zukunft net méi berücksichtegt wëll, da gëtt aus dem Studium e Luxus, dee sech nëmmen nach Jonker aus de räiche Famillje leeschte kënnen. Majo dann, häerzlech wëllkomm zrëck an der Vergaangenheet!

Och d'Iddien, déi bei der Wunnéngspolitik ugestriift ginn, si fir d'Jugend absolut ondrobar! Wann elo d'staatlech Subside souwéi de bëllegen Akt beim Kaaf vun enger Immobilière ewechfale, da kënnen sech an Zukunft nach manner Jonker eppes Eegenes leeschten. **Hotel Mamma**<sup>1</sup> lässt grüßen!

Wann d'Politik sech nach virun e puer Wochen iwwert déi massiv Auswanderung vu ville Lëtzebuerger besuert gewisen huet, sou dierf se sech net wonneren, wann elo nach méi Jonker an d'not Ausland gedriwwen ginn.

Eiser Meenung no huet d'Regierung hire volle Spuerpotential nach net ganz ausgeschöpft. Eier d'Jugend ëm hier Zukunft beduckst gëtt, misst virun allem emol déi käschtenopwennege Prestigeprojeten an dem A400M gespuert ginn.

*de Comité vun der adrenalin*

*matgedeelt, den 14. Abrëll 2010*

---

<sup>1</sup> Ausso vum deemolegen CSV-Aarbechtsminister am Kader vum 5611, aus dem Joer 2007